

皇清經解續編卷百五十三

南菁書院

明堂大道錄七

元和惠棟定宇著

明堂郊射

辟廡在明堂之四郊天子將祭先大射于其中謂之射宮

詩思

齊云雝雝在宮鄭

箋宮謂辟廡宮

其在靈囿者謂之澤

靈囿有鳥獸詩振鷺云振鷺于飛于彼西

雝毛傳鷺白鳥也雝澤也鄭箋白鳥集于西雝之澤玉海朱

氏曰振鷺之詩說者以雝爲澤蓋卽旋邱之水而其學卽所

謂澤

射義曰天子將祭必先習射于澤已射于澤而後射于

宮尚書大傳曰鄉之取也于囿中謂澤也又云今之取也

于澤宮謂射宮也周官諸子云春合諸學秋合諸射鄭注學

大學也射射宮也

樂記曰武王克殷敝軍郊射左射狸首右射騶虞而貫革之射

息也

鄭氏注云郊射爲射宮于郊也左東學也右西學也狸首騶虞所以歌爲節也

裨冕搢笏而虎賁

之士說劍也祀乎明堂而民知孝朝覲嚳後諸侯知所以臣耕

藉嚳後諸侯知所以敬五者天下之大教也

蔡氏以明堂爲大教之宮本此食

三老五更于大學天子袒而割牲執醬而饋執爵而酹冕而總

干所以教諸侯之弟也

鄭氏注云周人名大學曰東膠

若此則周道四達禮樂

交通

此皆明堂之政四達所謂自西自東自南自北無思不服是

也

射義曰天子將祭必先習射于澤澤者所以擇士也已射于澤

而後射于射宮

孔氏以爲射宮在廟非也

射中者得與于祭不中者不得與

于祭不得與于祭者有讓削以地得與于祭者有慶益以地進

爵紕地是也

鄭氏注于澤宮也士謂諸侯朝者諸臣及所貢士也皆先令習射于澤已乃射于射宮課中否也

郊特牲曰卜郊受命于祖廟作龜于禰宮卜之日王立于澤親

聽誓命受教諫之義也

鄭氏注云澤澤宮也所以擇賢之宮也既卜必到澤宮擇可與祭祀者因誓敕

之以禮也

尙書大傳曰傳曰已有三牲必田狩者孝子之意以爲己之所

養不如天地自然之性逸豫肥美禽獸多則傷五穀因習兵事

又不空設故因以捕禽獸所以其承宗廟示不忘武備又因以

爲田除害鮮者何也秋取嘗也

鄭氏注云取禽嘗祭

秋取嘗何以也習鬪

也者男子之事也噤而戰鬪不可不習故于搜狩以閑之也閑

之者貫之也貫之也者習之也已

一作凡

祭餘獲陳于澤

鄭氏注云澤射

宮也噤後卿大夫相與射命中者雖不中也取命中者雖中不

取也何以嚙所以貴揖讓之取而賤勇力之取也鄉之取于囿
中勇力之取也今之取于澤宮一無揖讓之取也澤習禮之處宮字
非所于行禮其射又主中此主皮之射與

案伏生所云則射義習射于澤樂記檄軍郊射者搜狩取獸
勇力之取也射于射宮以狸首騶虞爲節揖讓之取也貴揖
讓之取而賤勇力之取故貫革之射息也

禮統曰所以制辟廡何教化天下也辟廡制奈何王制天子曰
辟廡園如辟離以水內如覆外如偃盤也諸侯泮宮半有水半
有宮也諸侯所化者少故半有宮焉三王之制奈何夏天子曰
重屋諸侯曰廣宗殷天子曰廟諸侯曰世室周天子曰辟廡諸
侯曰泮宮鄉曰庠里曰序御覽五百三十四案夏天子曰重屋據明堂也殷天子曰廟據太廟也

辟廱統于明堂之制故或舉其一也

漢官儀曰辟廱去明堂三百步車駕臨辟廱從北門入三月九月皆于中行鄉射禮辟廱以水周其外以節觀者門外皆有橋諸侯曰泮宮東西南有水北無下天子也

後漢紀注

明堂設四輔三公

洛誥曰亂爲四輔文王世子論教世子之灋云設四輔及三公四輔卽虞書四鄰皋陶謨欽四鄰下卽繼以庶頑讒說若不在時此大司徒大樂正之簡不帥教也侯以明之辟廱之大射也撻以記之大學之夏楚也工以內言大司樂之以樂語教國子也假則承之庸之大樂正之造士也否則威之遠方之寄棘也蓋四輔三公皆輔導世子之人世子齒于學故

兼及教胄子則欽四鄰以下皆上庠下庠之事明堂之灋也
古文尙書皋陶謨曰欽四鄰鄭氏注云四鄰左輔右弼前疑後承庶頑讒說若不
在時候以明之撻以記之書用識哉欲竝生哉工以內言時而
颺之假則承之庸之否則威之

史記禹本紀曰帝曰女無面諛退而謗予予敬四輔是四鄰
卽四輔也戰國策顏蠋曰禹有五承湯有三輔莊子亦言湯
問于丞則四輔之名其來久矣近時方氏苞謂四輔之名劉
歆所造誕矣哉

伏生尙書大傳曰古者天子必有四鄰前曰疑後曰承左曰輔
右曰弼天子有問無以對責之疑可志而不志責之承可正而
不正責之輔可揚而不揚責之弼其爵視其卿其祿視次國之

君

大戴禮保傳曰明堂之位曰篤仁而好學多聞而道慎天子疑則問應而不窮者謂之道道者導天子以有道者也常立于前是周公也誠立而敢斷輔善而相義者謂之充充者充天子之志也常立于左是太公也絜廉而切直匡過而諫衰者謂之弼弼者拂天子之過者也常立于右是召公也博聞強記接給而善對者謂之承承者承天子之遺忘者常立于後是史佚也

盧辯

注云接給謂應所問而給也道者有疑問故或謂之疑充者輔善故或謂之輔

故成王中立而聽朝則

四聖維之是以慮無失計而舉無過事殷周之前以長久者其輔翼太子有此具也

禮記文王世子曰教世子凡三王教世子必以禮樂樂所以修

內也禮所以修外也禮樂交錯于中發形于外是故其成也懌
恭敬而溫文立太傅少傅以養之欲其知父子君臣之道也太
傅審父子君臣之道以示之少傅奉世子以觀太傅之德行而
審喻之太傅在前少傅在後入則有保出則有師是以教喻而
德成也師也者教之以事而喻諸德者也保也者慎其身以輔
翼之而歸諸道者也記曰虞夏商周有師保有疑丞設四輔及
三公不必備唯其人語使能也

大戴禮保傅曰昔者周成王幼在襁褓之中召公爲太保周公
爲太傅太公爲太師保保其身體傅傳其德義師導之教訓此
三公之職也于是爲置三少皆上大夫也曰少保少傅少師是
與太子宴者也故孩提三公三少固明孝仁禮義以道習之也

三公爲太子之官僞周官據公羊以爲天子有三公列六官前非古義也

周禮地官曰師氏中大夫一人

鄭氏注云師教人以道者之稱也保氏司諫司救之長鄭司農

云詩云橘惟師氏

掌以嫩詔王

鄭氏注云告王以善道也文王世子以日師也者教之以事而喻諸德者也

三德教國子

鄭氏注云國子公卿大夫之子弟師氏教之而世子亦齒焉學君臣父子長幼之道

一曰至

德以爲道本二曰敏德以爲行本三曰孝德以知逆惡教三行

一曰孝行以親父母二曰友行以尊賢良三曰順行以事師長

虎門之左司王朝

鄭氏注云虎門路寢門也王日視朝于路寢門外畫虎焉以明勇猛于守宜也司猶

察也察王之視朝若有善

保氏下大夫一人

鄭氏注云保安也道可行者則當前以詔王

敘曰周公爲師召公爲保相

掌諫王惡

鄭氏注云諫者以禮義正之文王世子曰保也

成王爲左右聖賢兼此官也

者慎其身以輔翼之而歸諸道者也而養國子以道乃教之六藝一曰五禮二曰

六樂三曰五射四曰五馭五曰六書六曰九數乃教之六儀一
曰祭祀之容二曰賓客之容三曰朝廷之容四曰喪紀之容五
曰軍旅之容六曰車馬之容凡祭祀賓客會同喪紀軍旅王軍
則從聽治亦如之使其屬守王闔

鄭氏注云闔
宮中之巷門

蔡邕明堂月令論曰禮記古大明堂之禮曰日中出南闔日
廂出西闔日入出北闔尔疋曰宮中之門謂之闔王旣明堂
之禮又別陰陽門東南稱門西北稱闔故周官有門闔之學
師氏教以三德守王門保氏教以六藝守王闔然則師氏旣
東門南門保氏旣西門北門也

孝經子曰天子有爭臣七人 鄭稱注云七人謂三公及前疑

後丞左輔右弼

後漢書劉
瑜傳注

明堂尊師

詩書禮樂臧于明堂

韓詩說立明堂于中五經之文所臧故處文王世子云禮在瞽宗書在上庠

詔天子學世子教國子皆于明堂及學宮死則稱先聖先師

祭于明堂□□□□于學宮

周禮大司樂掌成均之灋以治建國之學政而合國之子弟焉

凡有道者有德者使教焉死則以爲樂祖祭于瞽宗

先鄭司農云祭于瞽

宗祭于廟中

文王世子曰凡學春官釋奠于其先師秋冬亦如之凡始立學

者必釋奠于先聖先師及行事必以幣

鄭氏注云先聖周公若孔子

學記曰師也者所以學爲君也記曰三王四代惟其師此之謂

乎

鄭氏注云四代虞夏商周

又曰凡學之道嚴師為難師嚴然後道尊道尊然後民知敬學是故君之所不臣于其臣者二當其為尸則弗臣也當其為師

則弗臣也大學之禮雖詔于天子無北面所以尊師也鄭氏注云尊師

重道不使處臣位也武王踐阼召師尚父而問焉曰昔黃帝顓頊之道存乎意亦忽不可得見與師尚父曰在丹書王欲聞之則齊矣王齊三日端冕師尚父亦端冕奉書而入負屏而立王下堂南面而立師尚父曰先王之道不北面王行西折而南東面而立師尚父西面道書之言

孟子曰書曰天降下民作之君明堂作之師大學惟曰其助上帝寵

之四方太廟又曰湯之于伊尹學焉而後臣之

呂氏春秋尊師篇曰神農師悉諸黃帝師大撓帝顓頊師伯夷

父帝嚳師伯招帝堯師子州父帝舜師許由禹師大成贊湯師

小臣高氏注云小臣謂伊尹文王武王師呂望周公旦

又曰天子入大學祭先聖則齒嘗爲師者弗臣所以見敬學與

尊師也

高氏注云大學明堂也

荀子儒效篇曰儒者爲人上志意定乎內禮節修乎朝澧則度量正乎官忠信慤敬形乎下此君義信乎人矣通于四海則天下應之如響是何也則貴名白而天下治也故近者歌謳而樂之遠者竭蹶而趨之四海之內若一家通達之屬莫不從服夫是之謂人師曰自西自東自南自北無思不服此之謂也

孝經曰昔者明王事父孝故事天明事母孝故事地察長幼

順故上下治天地明察神明彰矣

圜丘之祭天神降方丘之祭地示出

故雖天

子必有尊也言有父也必有先也言有兄也孝悌之至通于神明光于四海無所不通詩云自西自東自南自北無思不

服蔡邕明堂月令論曰言行孝者則曰明堂

明堂宗祀

行悌者則

曰大學

尊事三老五更

故孝經合爲一義而稱鎬京之詩以明之案

荀子儒效篇首云大儒之效引周公相成王事以周公爲大儒又與秦昭王辯儒者有益于人國末云夫是之謂人師所謂人師卽大儒也蓋師儒之義詳于學宮故引鎬京之詩以爲證又荀子王制篇云王者等賦政事財萬物所以養萬民也田野什一關市幾而不征山林澤梁以時禁灋而不稅云云夫是之謂人師與孟子對齊宣明堂之政略同然則明堂之政與大學相關非大儒不能行也自古爲大儒者二人周公孔子故孟子陳湯文之事云以德服人者中心說而誠服也如七十子之服孔子也亦引鎬京之詩爲證

大戴禮禮三本曰禮有三本天地者性之本也先祖者類之本

也君師者治之本也

作之君明堂之政作之師大學之教

無天地焉生無先祖焉

出無君師焉治故禮上事天下事地方

郊丘澤

宗事尊先祖

明堂太廟

而

寵君師

寵之四方故云寵君師

是禮之三本也

明堂朝覲

禮記明堂位曰昔者周公朝諸侯于明堂之位天子負斧依南

鄉而立云云明堂也者明諸侯之尊卑也

詳明堂四門

鄭氏三禮目錄明堂位曰名曰明堂者以其記諸侯朝周于

明堂之時所陳列之位也此于別錄屬明堂陰陽明堂位即

天子之朝鄭氏明堂位注謂周公朝諸侯不于宗廟辟王也

失之甚矣

曲禮曰天子當依而立諸侯北面而見天子曰覲天子當寧而

立諸公東面諸侯西面曰朝

鄭氏注云朝者位于內朝而序進覲者位于廟門外而序入王南面

立于依寧而受焉

朝禮受之于明堂明堂位及顧命所載是也

鄭氏尚書以王若曰已下為康

王之誥

覲禮受之于明堂太廟覲禮所云乃右肉臚于廟門之

東乃入門右北面立是也

覲禮曰覲禮至于郊王使人皮弁用璧勞侯氏亦皮弁遂從之

鄭氏注云隨使者至朝

天子賜舍侯氏再拜詣首

鄭氏注云受館

天子使大夫戒

曰某日伯父帥乃初事侯氏再拜詣首

鄭氏注云受覲日也

諸侯前朝鄭氏

注云言朝者覲遇之禮雖簡其來之心猶若朝也

皆受舍于朝

鄭氏注云受舍于朝受次于文王廟門之外聘

禮記曰宗人授次言舍者尊舍也

同姓西面北上異姓東面北上侯氏裨冕鄭氏

注云將觀 乘墨車戴龍旂弧韞乃朝天子袞冕負斧依鄭氏注云南鄉

而立以俟諸侯見朱子語類云觀是正君臣之禮較嚴天子當依而立不下堂而見諸侯 侯氏入門右坐奠

圭再拜詣首擯者謁侯氏坐取圭升致命王受之玉侯氏降階

東北面再拜詣首擯者延之曰升升成拜乃出事畢鄭氏注云三享訖

乃右肉臚于廟門之東乃入門右北面立告聽事鄭氏注云告王以國所用

爲臯之事也 擯者謁諸天子天子辭于侯氏曰伯父無事歸甯乃邦

侯氏再拜詣首出自屏南適門西遂入門左北面立王勞之再

拜詣首擯者延之曰升升成拜降出

大戴禮朝事儀曰天子冕而執鎮圭尺有二寸藻藉尺有二寸

搢大圭乘大路建大常十有二旒樊纓十有再就貳車十有二

乘率諸侯而朝日東郊所以教尊尊也退而朝諸侯爲壇三成